



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Montisfalisci, M.DCC.XVII.**

Casus XII. Argumentum. Mulier ex fundatione, dotatione, aut constructione
Ecclesiæ potest acquirere Juspatronatus?

[urn:nbn:de:hbz:466:1-72191](#)

cendi, ut in specie tradiderunt Tondut.
resol. beneficial. cap. 39. num. 7. Frances.
de Eccles. Cathed. cap. 13. num. 10. Bellett.
disquis. Clerical. par. 1. tit. de Cleric. debit.
§. 13. num. 10. Ventrogl. in praxi rer. notab.
tom. 2. Annot. 18. §. Unico num. 4. Cortiad.
decis. Catbalon. 180. num. 3. Rot. dec. 184.
num. 6. par. 17. Recent.

Non relevantibus similibus consuetudinibus aliorum locorum Finarrii, si quæ adiunguntur, cum firmum in jure sit, quod consuetudo ad effectum obligandi debet esse præcisa, & neutram de casu ad casum, vel de loco ad locum extendenda juxta passim animadversa per Rotam decis. 378. num. 7. cum seqq. & decis. 304. num. 9. par. 12. decis. 449. num. 2. & decis. 484. num. 10. par. 19. Recent.

Et ita non admissa Monachorum instantia pro deputatione Oeconomi, & redditione rationis fructuum dictæ Ecclesiæ Parochialis, utpote inutili, & incongrua, resolutum fuit utraque Parte audita &c.

ARGUMENTUM.

Mulier ex Fundatione, Dotatione,
aut Constructione Ecclesiæ potest
acquirere Juspatronatū.

SUMMARIUM.

- 1 Mulier an acquirere possit Juspatronatus in Ecclesia? & num. 3.
- 2 Genus Fœminarum est avarissimum.
- 3 Fœmina Illustris est capax Juris processionis, & Juris Alimentorum, nec non oneris defendendi Ecclesiæ.

CASUS XII.

IN hoc Textu confertur Juspatronatus Personis honestioribus ibi; Honestioribus Propinquis ejus &c. ac proinde jure merito hic querendum est, qui possint, & qui non possint, qualibet ex dictis Causis acquirere Juspatronatus. Et primò queritur, an Mulier possit quacumque ex dictis Causis acquirere Juspatronatus in Ecclesia?

Et videtur negativè respondendum,

nam Mulier est incapax fructuum Juspatronatus, non potest enim ei competere Ius processionis, quia inconveniens, & dishonestum est, ut ea præcedat Presbyterum Ecclesiæ in sessione, & processione, & quia Mulier remota est ab omnibus officiis publicis, & Civilibus Text. in L. Fœmina de reg. Jur. Nec potest ei competere Ius Alimentorum, quia cum genus Fœminarum sit avarissimum L. Si stipulataff. de Donat. inter Virum, & Uxorem, Fœmina perciperet de Bonis Ecclesiæ ultra necessitatem, & sic esset maximum præjudicium Ecclesiæ; nec potest ei competere onus defendendi Ecclesiæ, quia Ius defensionis aliorum est prohibitum mulieribus, unde non possunt exercere officium advocationis, nec esse Procuratrices regulariter, ut est Text. in dicta L. Fœmina, nec potest ei competere Ius præsentandi Rectorem, cum Mulieres non possint esse de Consilio, nec habere voces, ut per Bart. in L. i. ff. de LL. in fine. Ergo Mulier nec erit capax Juspatronatus.

3 Sed contrarium tamen verius est juxta communem sensum Doctorum. Quia Text. supradictus in cap. Pia mentis Quintumque, & iste Text. in cap. Filiis, concedunt Juspatronatus quibuscumque Christianis, cuicumque Fidelium, & omnibus Personis honestioribus, qui fundaverint, construxerint, aut dotaverint Ecclesiæ; ergo Mulier Christiana, Fidelis, & honesta acquirit Juspatronatus qualibet ex dictis Causis, Abbas, Anan. Butr. in cap. Nobis de Jurepatr. ibique Fagnan. num. 6. Insuper ex Text. in cap. fin. de concess. Praben. ibique Abbas habetur, quod quædam Comitissa Landrensis habebat Juspatronatus; ergo fœmina sunt capaces Juspatronatus. Ita Berous in cap. Perlatum de Jurepat. n. 50. & 42. & in cap. Ex litteris eodem tractat. num. 25. S. Communis.

Non obstant, quæ superius objiciebantur, quia licet admittatur, quod fœmina non Illustris sit incapax Juris processionis, scilicet quod Presbyter ei occurrat venienti ad Ecclesiæ, quod habeat primum locum in sedendo, in Processionibus &c. tamen dici non potest, quod fœmina Illustris sit incapax dicti

dicti Iuris processionis. Est etiam foemina capax Iuris Alimentorum, nec non oneris defendendi Ecclesiam, quia licet non possit defendere illam per se ipsam in judicio, potest tamen eam defendere per Procuratorem, est etiam capax Iuris praesentandi, ut bene probat Lamberti. de Jurepatr. lib. 1. part. 1. quest. 17. art. 2. num. 30.

ARGUMENTUM.

Judeus, Paganus, Infidelis, Hæreticus, Illegitimus an possint acquirere Juspatronatus, & per quod delictum hoc admittatur.

SUMMARIUM.

- 1 Judeus, Paganus, Infidelis, Hæreticus sunt incapaces Jurispatronatus.
- 2 Schismaticus simplex, Apostata, Excommunicatus, Simoniacus, Infamis in eo statu sunt capaces Jurispatronatus, quoad proprietatem, non verò quoad exercitium.
- 3 Personæ fictæ sunt capaces Jurispatronatus.
- 4 Fundans Ecclesiam de Bonis eleemosinaliter acquisitis non acquirit Juspatronatus, sed Ecclesia erit libera.
- 5 Illegitimi, & Bastardi ex dispositione fundatoris possunt esse incapaces Jurispatronatus, sed de Jure communis sunt capaces.
- 6 Illegitimi succedere possunt in Juspatronatus per posterius, & in defectum legitimorum.
- 7 Patronus per se, vel per alios interficiens Rectorem Ecclesie, ammittit Juspatronatus, ipso facto, & ejus hæredes prohibentur clericari in titulum illius Ecclesie; sed limita, ut ibi:
- 8 Dicitio Prorsus juncta cum verbo futuri temporis inducit dispositionem pene ipso facto.
- 9 Filii, & descendentes Patroni occisoris ex gratia rehabilitari possunt ad Juspatronatus tam activum, quam passivum.
- 10 Episcopus an possit dispensare, & rehabilitare Filios, aut hæredes Patro-

- ni Occisoris ad Juspatronatus tam activum, quam passivum.
- 11 Patronus incidens in heresim, ammittit Juspatronatus hereditarium ipse, & ejus hæredes; secus si Juspatronatus esset gentilium, quia tunc transiret ad illos de genere vocatos, & num. 12. & 14.
 - 13 Patronus hæreticus revertens ad fidem non recuperat Juspatronatus.
 - 15 Patronus ammittit Juspatronatus, si occupet, aut convertat in usus proprios bona, aut fructus Ecclesie Patronalis, an autem hoc procedat, quoad ejus hæredes, & descendentes, vide num. 16.
 - 17 Juspatronatus ammittitur per Crimen Laicæ Majestatis, & per alium proditorum erga Patriam.

CASUS XIII.

I Udæus, Paganus, Infidelis, Hæreticus fundando, construendo, aut dotando Ecclesiam non acquirunt in ea Juspatronatus, quia Canones supradicti in cap. Pie Menti, cap. Quicumque, & in isto cap. Filiis, concedunt pro qualibet ex dictis Causis Juspatronatus solum Christianis, Fidelibus, & Personis honestioribus, idest Catholicis, ut explicat Archidiacon. in hoc cap. Filiis. Ergo cùm tales non sint supradictæ Personæ sequitur, quod ipse in eo statu non sint capaces acquirendi Juspatronatus, & præfertim, quia hæreticus juxta Text. in cap. Cum secundum Leges de heret. in 6. non possidet de Iure ulla Bona, nec habet ullum dominium eorum, & consequenter si fundaret, dotaret, aut construeret Ecclesiam, nihil de suo daret. Idem dic de Fautoribus, Receptoribus, & Defensoribus Hæreticorum. Abb. in cap. Nobis de Jurepatr. num. 3. ibique Butr. & Anan. num. 3. Fagnan. num. 7. & seqq.

Simplex Schismaticus, Apostata, Excommunicatus (excepto illo, qui perseveravit per annum in Excommunicatione, juxta Text. in cap. Excommunicationis de Hæret.) Simoniacus, Infamis, fundantes, construentes, aut dotantes Ecclesiam, acquirunt Juspatronatus juxta supra